



2009 ОНЫ ОЛОН ҮНДЭСТНИЙ ЦАГААЧЛАЛЫН ВИЗИЙН ХӨТӨЛБӨРИЙН ЗААВАРЧИЛГАА

Конгрессоос баталсан Олон үндэстний цагаачлалын визийн хөтөлбөрийг Төрийн департамент жил бүр зохион байгуулдаг бөгөөд тус хөтөлбөрийг Цагаачлал ба харьяаллын тухай хуулийн (ЦХТХ) 203(с) хэсэгт заасан нөхцлийн дагуу хэрэгжүүлдэг. 1990 оны Цагаачлалын тухай хуулийн 131 дүгээр хэсэг (Pub. L. 101-649), ЦХТХ-ийн нэмж өөрчлөгдсөн 203 дугаар хэсэгт “олон үндэстний цагаачид” хэмээх цагаачдын ангиллын талаар заасан. ЦХТХ-ийн 203(с) хэсэгт Америкийн Нэгдсэн Улс руу цагаачид бага гардаг улсын иргэдэд зориулж санхүүгийн нэг жилд 55,000 хүртэл олон үндэстний виз (DV) олгохоор заажээ.

Жил бүрийн DV хөтөлбөрийн дагуу энгийн боловч хатуу шаардлагад тэнцэх хүмүүст байнгын оршин суух виз олгодог. Компьютерээр сугалдаг сугалаагаар олон үндэстний виз авах хүмүүсийг сонгодог. Гэхдээ визийг газарзүйн зургаан бүсийн дунд хуваарилдаг бөгөөд АНУ-д цагаачид бага гардаг улсын иргэдэд олон виз хуваарилдаг бол өнгөрсөн таван жилийн хугацаанд АНУ-д 50,000-аас олон хүн цагаачлуулсан улсын иргэдэд нэг ч виз өгдөггүй. Бүс бүрийн дотор нэг улс тухайн жилийн олон үндэстний визийн долоон хувиас илүүг авч болохгүй.

DV-2009-ын хувьд дараах улс орнуудын¹ уугуул иргэд өргөдөл гаргах эрхгүй. Учир нь эдгээр улс орон тус бүр өмнөх таван жилийн хугацаанд АНУ руу 50,000-аас олон цагаач илгээсэн байна. Үүнд:

БРАЗИЛ, КАНАД, ХЯТАД (эх газрын), КОЛУМБИ, БҮГД НАЙРАМДАХ ДОМИНИКАН УЛС, ЭЛЬ САЛЬВАДОР, ГАИТИ, ЭНЭТХЭГ, ЯМАЙКА, МЕКСИК, ПАКИСТАН, ФИЛИППИН, ПЕРУ, ПОЛЬШ, ОРОС, ӨМНӨД СОЛОНГОС, НЭГДСЭН ВАНТ УЛС (Умард Ирландыг оруулахгүй) ба хараат нутаг дэвсгэрүүд, ВЬЕТНАМ. Хонг Конгийн Тусгай захиргаатай бүс, Макаогийн Тусгай захиргаатай бүс, Тайванийн уугуул иргэд өргөдөл гаргах эрхтэй.

Төрийн департамент Олон үндэстний визийн ажиллагааг илүү үр дүнтэй бөгөөд найдвартай болгохын тулд DV-2005-аас эхлээд электрон мэдүүлгийн систем хэрэгжүүлж ирсэн. Тус департамент хууль бусаар цагаачлахын тулд залилан хийж байгаа хүмүүс буюу сугалаанд олон материал өгч байгаа хүмүүсийг олж илрүүлэх тусгай технологи болон бусад арга хэрэгслийг ашиглаж байна.

ОЛОН ҮНДЭСТНИЙ ВИЗИЙН БҮРТГЭЛИЙН ХУГАЦАА

DV-2009 Олон үндэстний визийн сугалаанд оролцох мэдүүлгээ 2007 оны 10 дугаар сарын 3-ны Дорнодын өдрийн цагийн бүсийн (EDT) (GMT-4) үдийн 12.00 цагаас 2007 оны 12 дугаар сарын 2-ны Дорнодын стандарт цагийн бүсийн (EST) (GMT-5) үдийн 12.00 цаг хүртэл электрон хэлбэрээр оруулах ёстой. Мэдүүлэгчид дээрх бүртгэлийн хугацаанд www.dvlottery.state.gov вэбсайтаар орж Олон үндэстний визийн сугалаанд оролцох мэдүүлгийн электрон маягт бөглөнө. Цаасаар илгээсэн мэдүүлгийг хүлээн авахгүй. Мэдүүлэгчид бүртгэлийн хугацааны сүүлийн долоо хоног эхэлтэл хүлээх огт хэрэггүй. Сүүл рүүгээ хүмүүс их бүртгүүлдгээс болж вэбсайтад саатал үүсч болно. 2007 оны 12 дугаар сарын 2-ны Дорнодын стандарт цагийн бүсийн (EST) үдийн 12.00 цагаас хойш ямар ч мэдүүлэг хүлээн авахгүй.

¹

Энэ мэдээдэлд дурдсан "улс орон" хэмээх нэр томъёонд 13 дугаар хуудаснаас эхлэн шууд жагсаасан улс, эдийн засаг болон бусад орныг оруулна.

ОРОЛЦОХОД ТАВИХ ШААРДЛАГУУД

- **DV сугалаанд оролцохын тулд жагсаалтад орсон аль нэг улс орны уугуул иргэн байх ёстой.** Сугалаанд оролцох эрхтэй улс орны жагсаалтыг бүс нутгаар нь ангилсныг үзнэ үү.

Хөтөлбөрт оролцох эрхтэй улс орны уугуул иргэд: Ихэнх тохиолдолд энэ нь таны төрсөн улс орныг хэлнэ. Гэхдээ хөтөлбөрт оролцох боломжтой өөр хоёр арга бий. Нэгдүгээрт, хэрэв та хөтөлбөрт оролцох эрхгүй улс оронд төрсөн бөгөөд эхнэр/нөхөр тань хөтөлбөрт оролцох эрхтэй улс оронд төрсөн бол та хоёр хоёулаа сонгогдоод, хоёуланд тань виз олгогдоод, АНУ руу зэрэг орох тохиолдолд та эхнэр/нөхрийнхөө төрсөн улс орны нэрээр хөтөлбөрт оролцож болно. Хоёрдугаарт, хэрэв та хөтөлбөрт оролцох эрхгүй улс оронд төрсөн бөгөөд таны эцэг эхийн аль ч тэнд төрөөгүй, таныг төрөх үед тэндхийн оршин суугч биш байсан бол эцэг эхийн тань аль нэг нь DV-2009 хөтөлбөрт оролцох эрхтэй улс оронд төрсөн байвал өөрийгөө энэхүү улс орны нэрээр хөтөлбөрт оролцож болно.

- **Сугалаанд оролцохын тулд та DV хөтөлбөрийн боловсролын ба ажлын туршлагын шаардлагыг хангасан байх ёстой.**

Боловсрол, ажлын туршлага: Та ахлах сургуулийн боловсрол буюу түүнтэй адилтгах боловсролтой байх, тухайлбал бага болон дунд боловсролын 12 жилийн сургалтыг амжилттай дүүргэсэн байх; ЭСВЭЛ өнгөрсөн таван жилийн хугацаанд дор хаяж хоёр жилийн сургалт буюу туршлага шаардах мэргэжлээр хоёр жил ажилласан туршлагатай байх ёстой. АНУ-ын Хөдөлмөрийн департаментийн O*Net OnLine мэдээллийн сангаас ямар ажлын туршлага шаардлага хангахыг мэднэ. Шаардлагад хангасан ажлын туршлагын талаар нэмэлт мэдээлэл авахыг хүсвэл Байнга асуудаг асуулт № 13-ыг үзнэ үү.

Хэрэв та эдгээр шаардлагыг хангаж чадахгүй байгаа бол DV хөтөлбөрт бүртгүүлж болохгүй.

DV-2009-Д БҮРТГҮҮЛЭХ ЖУРАМ

- Төрийн департамент зөвхөн бүртгэлийн хугацаанд www.dvlottery.state.gov вэбсайтаар дамжуулан электрон хэлбэрээр гаргасан Олон үндэстний визийн хөтөлбөрийн электрон мэдүүлгийн маягыг хүлээн авна.
- Хэрэв нэг хүний нэр дээр НЭГЭЭС олон мэдүүлэг ирвэл, хэн оруулсан нь хамаагүй тухайн хүний бүх мэдүүлгийг сугалаанд оруулалгүй хасна. Та өөрөө мэдүүлгээ бэлтгэж, оруулах буюу өөр хүнээр оруулуулж болно.
- Мэдүүлгийг амжилттай оруулсан тохиолдолд таны нэр, төрсөн он сар өдөр, улс орон, бүртгүүлсэн огноо/цаг бүхий баталгаа дэлгэц дээр гарч ирнэ. Та өөрийн интернет программын хэвлэх функцийг ашиглан энэхүү баталгааг хэвлэж болно.
- Цаасаар илгээсэн мэдүүлгийг хүлээн авахгүй.
- Шаардлагатай бүх гэрэл зургийг оруулаагүй бол таны мэдүүлэг хасагдана. Дараах хүмүүсийн сүүлийн үеийн гэрэл зургийг Олон үндэстний визийн хөтөлбөрийн электрон мэдүүлгийн маягын хамт электрон хэлбэрээр оруулах ёстой:
- Таны өөрийн зураг
- Таны эхнэр/нөхрийн зураг
- 21-ээс доош настай гэрлээгүй хүүхэд, үүний дотор төрсөн хүүхдүүдээс гадна хууль ёсоор үрчилж авсан хүүхдүүд, дагавар хүүхдүүдийн зургийг оруулах ёстой. Тухайн хүүхэд тантай хамт амьдардаггүй, DV хөтөлбөрийн дагуу тантай хамт цагаачлахгүй байсан ч гэсэн зургийг нь оруулах ёстой.

АНУ-ын иргэн буюу хууль ёсны байнгын оршин суугч хүүхдийнхээ гэрэл зургийг оруулах шаардлагагүй.

Олноороо буюу гэр бүлээрээ авахуулсан гэрэл зургийг хүлээн авахгүй. **Гэр бүлийн гишүүн бүрийн тус тусдаа авахуулсан гэрэл зургийг оруулах ёстой. Эхнэр/нөхөр, хүүхэд бүрийнхээ гэрэл зургийг оруулаагүй бол E-DV системд оруулсан мэдүүлгийг тань бүрэн бус гэж тооцно. Тиймээс мэдүүлгийг хүлээн авахгүй бөгөөд та түүнийг дахин оруулах шаардлагатай болно. Мэдүүлэгт орсон хүн бүрийн зөв гэрэл зургийг E-DV системд оруулаагүй тохиолдолд гол мэдүүлэгчийг хасах бөгөөд визийн ярилцлага авах үед виз өгөхөөс татгалзана.**

- Та өөрийн болон эхнэр/нөхөр, хүүхэд бүрийнхээ дижитал гэрэл зургийг (эсвэл зургийг) E-DV мэдүүлгийн маягтанд интернетээр оруулах ёстой. Зургийн файлыг шинээр дижитал гэрэл зураг авах буюу угаалгасан гэрэл зургийг сканнердаж дижитал зураг болгох замаар бий болгоно.
- Гэрэл зураг нь сүүлийн үед авахуулаагүй, гуйвуулж өөрчилсөн, эсвэл доор тайлбарласан үзүүлэлтүүдийг хангаагүй тохиолдолд мэдүүлгийг хасах бөгөөд виз өгөхөөс татгалзана.

Дижитал гэрэл зураг (зураг) оруулах заавар

Зургийн файл нь дараах бүтцийн болон техникийн үзүүлэлтэд нийцсэн байх ёстой бөгөөд дараах хоёр аргын аль нэгээр гаргаж авна:

- Шинээр дижитал зураг авах.
- Гэрэл зургийг сканнердаж дижитал зураг болгох

Бүтцийн үзүүлэлт: Оруулсан дижитал зураг нь дараах бүтцийн үзүүлэлтийг хангасан байх ёстой. Эдгээр үзүүлэлтийг хангаагүй тохиолдолд мэдүүлгийг хасна.

Толгойн байрлал

- Гэрэл зургаа авахуулж байгаа хүн камер руу эгц харсан байх ёстой
- Тухайн хүний толгой дээш, доош, хажуу тийшээ гэлжийгээгүй байх нь зүйтэй.
- Тухайн хүний толгой гэрэл зургийн нийт талбайн 50 орчим хувийг эзэлсэн байх нь зүйтэй.

Арын фон

- Гэрэл зургаа авахуулж байгаа хүн саармаг, гэгээтэй өнгийн фоны өмнө байх нь зүйтэй.
- Бараан буюу хээтэй фон дээр авахуулсан зургийг хүлээн авахгүй.

Фокус

- Гэрэл зургийн фокусыг тааруулсан байх ёстой.

Чимэглэлийн зүйлс

- Гэрэл зурган дээр тухайн хүн нарны шил буюу нүүр халхалсан өөр юм зүйл зүүсэн буюу өмссөн байвал ийм зургийг хүлээн авахгүй.

Толгойн өмсгөл, малгай

- Толгойн өмсгөл, малгай өмссөн хүний гэрэл зургийн тухайд ийм өмсгөл, малгай өмссөн нь тухайн хүний шашин шүтлэгтэй холбоотой бол хүлээн авна. Гэхдээ энэ өмсгөл, малгай нь тухайн хүний нүүрний аль ч хэсгийг халхалсан байж болохгүй.
- Шашны бус, харин омгийн шинжтэй болон бусад толгойн өмсгөл өссөн хүмүүсийн гэрэл зургийг хүлээн авахгүй.
- Цэргийн албан хаагчид, агаарын тээврийн компанийн албан хаагчид болон бусад албан хаагчдын малгайтай авахуулсан гэрэл зургийг хүлээн авахгүй.

Гэрэл зургийн бүтэц

- 24 битийн өнгөний гүнтэй хар цагаан зургаас илүү 24 битийн өнгөний гүнтэй өнгөт зураг байвал сайн. Гэрэл зургийг камераас компьютер руу нэг файл болгон оруулах буюу сканнердаад компьютерийн нэг файл болгож болно. Хэрэв та сканнер ашиглаж байгаа бол тохиргоог нь True Color буюу 24 битийн өнгөний горим дээр тааруулах ёстой. DV хөтөлбөрийн шаардлагын дагуу өнгөт буюу хар цагаан (буюу хагас тоны) гэрэл зургийг ийм тохиргоогоор сканнердах ёстой. 24 битийн өнгөний горим дээр сканнердсан хар цагаан буюу хагас тоны гэрэл зургийн тухайд зөвхөн гурван өнгө буюу дүрсний судал ашиглах тул үр дүн нь мөн л хар, цагаан, саарал харагдана. Сканнердахад тавьдаг нэмэлт шаардлагыг доор дурдав.

Техникийн үзүүлэлтүүд: Мэдүүлэгт оруулсан гэрэл зураг нь дараах үзүүлэлтүүдийг хангасан байх ёстой. Эдгээр үзүүлэлтийг хангаагүй тохиолдолд систем E-DV мэдүүлгийн маягыг тань автоматаар хүлээн авахгүй бөгөөд энэ тухай илгээгчид мэдэгдэнэ.

Шинээр дижитал зураг авах. Шинээр дижитал зураг авсан тохиолдолд дараах үзүүлэлтүүдийг хангах ёстой:

- Зургийн файлын формат: Зураг Joint Photographic Experts Group (JPEG) форматтай байх ёстой.
- Зургийн файлын хэмжээ: Зургийн файлын дээд хэмжээ жаран хоёр мянга таван зуун (62,500) байт байна.
- Зургийн нарийвчлал: өндрөөшөө 320 цэг буюу пиксел, өргөөшөө 240 цэг буюу пиксел.
- Зургийн өнгөний гүн: 24 битийн өнгө [Тайлбар: Өнгөт гэрэл зураг байвал сайн. Гэхдээ хар цагаан буюу хагас тоны гэрэл зураг ашиглах тохиолдолд 24 битийн өнгөний горим дээр сканнердана. Нэг өнгийн зураг (2 битийн өнгөний гүн), 8 битийн өнгө, 8 битийн хагас тоны зургийг хүлээн авахгүй]

Гэрэл зургийг сканнердаж дижитал зураг болгох. Угаасан гэрэл зургийг сканнердахаас өмнө гэрэл зураг нь дараах үзүүлэлтийг хангасан байх ёстой:

- Зургийн хэмжээ: 2 инч x 2 инч (50 мм x 50 мм)
- Зургийн өнгө: DV хөтөлбөрт өнгөт зураг өгвөл сайн. Гэхдээ хар цагаан буюу хагас тоны зургийг зөвхөн 24 битийн горимоор ашиглаж болно.

Угаасан гэрэл зураг нь бүтцийн үзүүлэлтийг мөн хангасан байх ёстой. Угаасан гэрэл зураг хэмжээ, өнгө, бүтцийн үзүүлэлтийг хангасан тохиолдолд уг зургийг дараах үзүүлэлт бүхий сканнер ашиглан сканнердана уу.

- Сканнерийн нарийвчлал: 150 цэг/инчийн нарийвчлалтай сканнердсан байх.
- Зургийн файлын формат: Зураг Joint Photographic Experts Group (JPEG) форматтай байх ёстой.
- Зургийн файлын хэмжээ: Зургийн файлын дээд хэмжээ жаран хоёр мянга таван зуун (62,500) байт байна.
- Зургийн нарийвчлал: 300 пиксел x 300 пиксел.
- Зургийн өнгөний гүн: 24 битийн өнгө [Тайлбар: Хар цагаан буюу хагас тоны зураг нь 24 битийн өнгөний гүнтэй байх ёстой. Нэг өнгийн зураг (2 битийн өнгөний гүн), 8 битийн өнгө, 8 битийн хагас тоны зургийг хүлээн авахгүй]

МЭДҮҮЛЭГ

DV-2009 сугалаанд оролцох цорын ганц арга зам байдаг. Та www.dvlottery.state.gov хаягаар орж Олон үндэстний визийн электрон мэдүүлгийн маягыг (E-DV мэдүүлгийн маягт) бөглөж оруулах ёстой. Уг маягыг бүрэн бөглөөгүй тохиолдолд мэдүүлгийг хасна. E-DV мэдүүлгээ оруулж байгаа хүмүүс E-DV мэдүүлгийн маягтад дараах мэдээллийг оруулна.

1. **БҮТЭН НЭР** - Овог, Нэр, Дундах нэр
2. **ТӨРСӨН ОГНОО** - Өдөр, Сар, Он
3. **ХҮЙС** – Эр/Эм
4. **ТАНЫ ТӨРСӨН ХОТ**
5. **ТАНЫ ТӨРСӨН УЛС ОРОН** – Улс орны нэр нь таны төрсөн газрын одоогийн нэр байх ёстой.
6. **ТАНЫГ DV ХӨТӨЛБӨРТ ОРОЛЦОХ ЭРХТЭЙ БОЛГОЖ БУЙ УЛС ОРОН БА НЭРЭЭР НЬ ХӨТӨЛБӨРТ ОРОЛЦОЖ БУЙ УЛС ОРОН** – Ердийн нөхцөлд таныг тус хөтөлбөрт оролцох эрхтэй болгож буй улс орон болон таны төрсөн улс орон нэг байдаг. Таныг тус хөтөлбөрт оролцох эрхтэй болгож буй улс орон нь одоо амьдарч байгаа газартай тань холбоогүй. Хэрэв та DV хөтөлбөрт оролцох эрхгүй улс оронд төрсөн бол хөтөлбөрт оролцож болох өөр хувилбар байгаа эсэхийг мэдье гэвэл зааварчилгааг унш. Төрсөн улс орноосоо өөр улс орны нэрээр хөтөлбөрт оролцох талаар нэмэлт мэдээлэл авъя гэвэл энэ зааварчилгааны Байнга асуудаг асуулт №1-ийг үзнэ үү.
7. **МЭДҮҮЛГИЙН ГЭРЭЛ ЗУРАГ** – Гэрэл зургийн үзүүлэлтийн талаархи техникийн чанартай мэдээллийг үзнэ үү. Эхнэр/нөхөр болон бүх хүүхдийнхээ (хэрэв байгаа бол) гэрэл зургийг оруулах ёстойг анхаарна уу. Байнга асуудаг асуулт №11-ийг үзнэ үү.
8. **ШУУДАНГИЙН ХАЯГ** – Хүлээн авагчийн нэр, Хаягийн мөр 1, Хаягийн мөр 2, Хот, Тойрог/Дүүрэг/Муж/Муж Улс, Шуудангийн код/Зип код, Улс
9. **ОДОО АМЬДАРЧ БУЙ УЛС**

- 10. УТАСНЫ ДУГААР** (заавал бөглөх шаардлагагүй)
- 11. ИМЭЙЛ ХАЯГ** (заавал бөглөх шаардлагагүй)
- 12. ӨНӨӨДРИЙН БАЙДЛААР ТАНЫ ОЛЖ АВСАН БОЛОВСРОЛЫН ХАМГИЙН ДЭЭД ТҮВШИН** – Таны олж авсан боловсролын хамгийн дээд түвшинг илтгэж байгаа нэг хариуг тэмдэглэх ёстой: (1) Бага сургууль төгссөн, (2) Ахлах сургуулийг зэрэггүй төгссөн, (3) Ахлах сургуулийг зэрэгтэй төгссөн, (4) Мэргэжлийн сургууль төгссөн, (5) Их сургуулийн зарим курсыг дүүргэсэн, (6) Их сургуулийг зэрэгтэй төгссөн, (7) Их сургуулийн дараах түвшний сургалт дүүргэсэн, (8) Магистрын зэрэгтэй, (9) Докторын түвшний зарим курс дүүргэсэн, (10) Докторын зэрэгтэй.
- 13. ГЭР БҮЛИЙН БАЙДАЛ** - Гэрлээгүй, Гэрлэсэн, Цуцлуулсан, Бэлэвсэрсэн, Хууль ёсны дагуу салсан
- 14. ХҮҮХДИЙН ТОО:** Мэдүүлэгт эхнэр/нөхөр, гэрлээгүй бөгөөд 21 нас хүрээгүй бүх төрсөн хүүхдүүд, хууль ёсоор үрчилж авсан болон дагавар хүүхдүүдийнхээ (АНУ-ын иргэн буюу хууль ёсны байнгын оршин суугч хүүхдүүдээ бүү оруул) нэр, төрсөн огноо болон газрыг оруулах ёстой. Ингэхдээ та хүүхдийн эцэг/эхээс салсан байсан ч, таны эхнэр/нөхөр буюу хүүхэд одоогоор тантай хамт амьдардаггүй, тантай хамт цагаачлахгүй байсан ч эхнэр/нөхөр, хүүхдүүдээ бүгдийг нь оруулах ёстой. Гэрлэсэн хүүхдүүд болон 21-ээс дээш настай хүүхдүүд таны мэдүүлэгт орох ёсгүй. Таны мэдүүлэгт орох ёстой бүх хүүхдээ оруулаагүй тохиолдолд гол мэдүүлэгчийг хасах бөгөөд визийн ярилцлага авах үед виз өгөхөөс татгалзана. Байнга асуудаг асуулт №11-ийг үзнэ үү.
- 15. ЭХНЭР/НӨХРИЙН ТУХАЙ МЭДЭЭЛЭЛ** – Нэр, Төрсөн огноо, Хүйс, Төрсөн хот, Төрсөн улс, Гэрэл зураг. Эхнэр/нөхрөө оруулаагүй тохиолдолд гол мэдүүлэгчийг хасах бөгөөд визийн ярилцлага авах үед виз өгөхөөс татгалзана.
- 16. ХҮҮХДҮҮДИЙН ТУХАЙ МЭДЭЭЛЭЛ** - Нэр, Төрсөн огноо, Хүйс, Төрсөн хот, Төрсөн улс, Гэрэл зураг: Дээрх 14 дүгээр асуултад мэдүүлсэн бүх хүүхдээ энд оруул.

МЭДҮҮЛЭГЧДИЙГ СОНГОХ

Шаардлага хангасан бүх мэдүүлгээс компьютер ашиглан санамсаргүй байдлаар сонгоно. Сонгогдсон хүмүүст 2008 оны 5-7 дугаар саруудад шуудангаар мэдэгдэх бөгөөд цаашдын зааварчилгаа, үүний дотор АНУ руу цагаачлахтай холбоотой төлбөр хураамжийн талаархи мэдээлэл өгнө. **Санамсаргүй байдлаар явуулсан сугалаанд сонгогдсон хүмүүст имэйлээр мэдэгдэхгүй. Сонгогдоогүй хүмүүс ямар ч мэдэгдэл авахгүй.** АНУ-ын элчин сайдын яам, консулын газрууд сонгогдсон хүмүүсийн нэрсийн жагсаалтыг өгөх боломжгүй. Сонгогдсон хүмүүсийн эхнэр/нөхөр, 21 нас хүрээгүй гэрлээгүй хүүхдүүд гол мэдүүлэгчийн хамт виз мэдүүлж болно. DV-2009 визийг 2008 оны 10 дугаар сарын 1-нээс 2009 оны 9 дүгээр сарын 30-ны хооронд олгоно.

Америкийн Нэгдсэн Улсад цагаачлах Олон үндэстний виз авахын тулд санамсаргүй байдлаар явуулсан сугалаанд сонгогдсон хүмүүс нь АНУ-ын хуулийн дагуу тавьдаг бүх шаардлагыг хангасан байх ёстой. Сугалааны мэдүүлгийг боловсруулж, сонгогдсон хүмүүс болон тэдний эрх бүхий гэр бүлийн гишүүдэд олон үндэстний виз олгох ажлыг 2009 оны 9 дүгээр сарын 30-ны шөнө дунд гэхэд дуусгана. Энэ өдрөөс хойш ямар ч нөхцөлд олон үндэстний виз олгохгүй, өөрчлөлтийг батлахгүй бөгөөд гэр бүлийн гишүүд нь гол мэдүүлэгчийг дагаж АНУ руу цагаачлах олон үндэстний виз авах боломжгүй.

Анхаарах зүйл

Жил бүрийн DV хөтөлбөрт оролцох электрон сугалааны бүртгэл төлбөргүй байдаг. АНУ-ын Засгийн газар DV хөтөлбөрийг хэрэгжүүлэхдээ ямар ч гадны зөвлөх, хувийн байгууллага ашигладаггүй. DV мэдүүлэг бэлтгэхэд тусална гэсэн зуучлагч буюу бусад этгээд байгаа бол АНУ-ын Засгийн газраас эрх буюу зөвшөөрөл авахгүйгээр ийм үйлчилгээ үзүүлдэг. DV мэдүүлэг бэлтгэхдээ гадны зуучлах үйлчилгээ буюу тусламж авах эсэх нь тухайн оролцогчийн өөрийнх нь мэдэх хэрэг юм.

Мэдүүлэгчийн өөрөө шууд электрон хэлбэрээр оруулсан, шаардлага хангасан мэдүүлэг нь Кентаккийн Консулын Төв дээр компьютерээр сонгогдох боломжийн хувьд төлбөртэй зуучлагчаар дамжуулан электрон хэлбэрээр оруулсан мэдүүлэгтэй адил юм. Сугалааны бүртгэлийн хугацаанд хүлээн авсан бүх мэдүүлгийн сонгогдох санамсаргүй боломж өөрийн бүс нутгийн хүрээнд ижил байна. Гэхдээ нэг хүн нэгээс олон мэдүүлэг оруулсан нөхцөлд мэдүүлгийг хэн оруулснаас үл хамааран түүнийг хасна.

E-DV МЭДҮҮЛГИЙН ТУХАЙ БАЙНГА ТАВЬДАГ АСУУЛТУУД

1. “ЭРХТЭЙ БОЛГОХ”, “УУГУУЛ”, “НЭРЭЭР НЬ ОРОЛЦОХ” ГЭДЭГ НЬ ЮУ ГЭСЭН ҮГ ВЭ? ХӨТӨЛБӨРТ ОРОЛЦОХ ЭРХГҮЙ УЛС ОРОНД ТӨРСӨН ХҮМҮҮС ОРОЛЦОЖ БОЛОХ НӨХЦӨЛ БАЙДАЛ БИЙ ЮУ?

Ердийн нөхцөлд таныг тус хөтөлбөрт оролцох эрхтэй болгож буй улс орон болон таны төрсөн улс орон нэг байдаг. Таныг тус хөтөлбөрт оролцох эрхтэй болгож буй улс орон нь одоо амьдарч байгаа газартай тань холбоогүй. Ердийн үед уугуул гэдэг нь одоо оршин суугаа болон харъяалагдах улс орноос нь үл хамааран тодорхой нэг улс оронд төрсөн хүнийг хэлдэг. Цагаачлал ба харъяаллын тухай хуулийн 202(b) хэсэгт заасны дагуу цагаачлалын асуудлын хүрээнд “уугуул” гэдэгт төрсөн улс орноосоо өөр улс орны нэрээр оролцох эрхтэй хүнийг мөн хамруулж ойлгодог.

Жишээлбэл, хэрэв та энэ жилийн DV хөтөлбөрт оролцох эрхгүй улс оронд төрсөн бол эхнэр/нөхрийнхөө төрсөн улс орны нэрээр хөтөлбөрт оролцохоор мэдүүлж болно. Гэхдээ энэ тохиолдолд танай эхнэр/нөхөр мөн шаардлагад тэнцэж, DV-2 виз авсан тохиолдолд л танд DV-1 виз олгох бөгөөд та хоёр олон үндэстний визээрээ АНУ руу хамт зорчих ёстой. Үүнтэй нэгэн адилаар насанд хүрээгүй тэжээлгэгч хүүхэд эцэг эхийнхээ төрсөн улс орны нэрээр ийм төрлийн виз авах боломжтой.

Эцэст нь хэлэхэд хэрэв та энэ жилийн DV хөтөлбөрт оролцох эрхгүй улс оронд төрсөн бол эцэг/эхийнхээ төрсөн улс орны нэрээр хөтөлбөрт оролцохоор мэдүүлж болно. Гэхдээ таныг төрөх үед эцэг эх тань хоёулаа хөтөлбөрт оролцох эрхгүй улс орны оршин суугч биш байсан байх ёстой. Ерөнхийдөө хүмүүс аль нэг улсад түр хугацаагаар зорчиж, түр хугацаагаар суралцаж, компани буюу засгийн газрын нэрийн өмнөөс ажил хэргийн буюу мэргэжлийн шалтгаанаар байрлаж байсан тохиолдолд тэнд төрөөгүй буюу хууль ёсоор иргэншил аваагүй бол тухайн улсын оршин суугч гэж тооцогддоггүй.

Хэрэв та төрсөн улс орноосоо өөр улс орны нэрээр хөтөлбөрт оролцож байгаа бол энэ тухай мэдээллээ E-DV электрон мэдүүлгийн маягтын 6 дугаар асуултыг бөглөхдөө бичнэ үү. Таныг хөтөлбөрт оролцох эрхтэй болгож буй улс орон болон нэрээр нь оролцож буй улс орноо буруу бичвэл (өөрөөр хэлбэл нэрээр нь оролцох боломжгүй улс бичвэл) таны мэдүүлэг хасагдаж болно.

2. ЭНЭХҮҮ ОЛОН ҮНДЭСТНИЙ ВИЗИЙН БҮРТГЭЛД БҮРТГҮҮЛЭХ ЖУРАМД ЯМАР НЭГ ӨӨРЧЛӨЛТ БУЮУ ШИНЭ ШААРДЛАГА ОРСОН УУ?

DV-2009 сугалааны бүх мэдүүлгийг бүртгэлийн хугацаанд www.dvlottery.state.gov вэбсайтаар дамжуулан электрон хэлбэрээр гаргах ёстой. Цаасаар илгээсэн мэдүүлгийг хүлээн авахгүй.

Нэмэлт мэдээлэл цуглуулах зорилгоор DV-2009-д хэдэн асуулт болон хариултын хувилбар нэмсэн.

- **Одоо амьдарч буй улс орон**
- **Өнөөдрийн байдлаар таны олж авсан боловсролын хамгийн дээд түвшин** – Таны олж авсан боловсролын хамгийн дээд түвшинг илтгэж байгаа нэг хариуг тэмдэглэх ёстой: (1) Бага сургууль төгссөн, (2) Ахлах сургуулийг зэрэггүй төгссөн, (3) Ахлах сургуулийг зэрэгтэй төгссөн, (4) Мэргэжлийн сургууль төгссөн, (5) Их сургуулийн зарим курсыг дүүргэсэн, (6) Их сургуулийг зэрэгтэй төгссөн, (7) Их сургуулийн дараах түвшний сургалт дүүргэсэн, (8) Магистрын зэрэгтэй, (9) Докторын түвшний зарим курс дүүргэсэн, (10) Докторын зэрэгтэй.
- Өмнөх DV хөтөлбөрүүдэд “Таны гэр бүлийн байдал” гэсэн асуулт дор байсан “Салсан” хэмээх хувилбарын оронд **“Хууль ёсны дагуу салсан”** гэдэг нэр томъёо оруулсан. Хууль ёсны дагуу салсан гэдэг нь шүүхээс албан ёсоор танай гэр бүл хууль ёсны дагуу салсан болохыг мэдэгдсэнийг хэлнэ. Хууль ёсны дагуу салсан тохиолдолд таны эхнэр/нөхөр тантай хамт цагаачлах эрхгүй болно.

3. ГЭР БҮЛИЙН ГИШҮҮН БҮР ГАРЫН ҮСГЭЭ ЗУРЖ, ГЭРЭЛ ЗУРГАА ӨГӨХ ШААРДЛАГАТАЙ ЮУ? ЭСВЭЛ ЗӨВХӨН ГОЛ ОРОЛЦОГЧ ГАРЫН ҮСГЭЭ ЗУРЖ, ГЭРЭЛ ЗУРГАА ӨГӨХ ШААРДЛАГАТАЙ ЮУ?

Олон үндэстний визийн электрон мэдүүлгийн маягтад гарын үсэг шаардагдахгүй. Таны өөрийн болон таны эхнэр/нөхөр, 21-ээс доош насны бүх хүүхдийн сүүлийн үед тус тусдаа авахуулсан гэрэл зураг шаардлагатай. Гэр бүлээрээ буюу олноороо авахуулсан гэрэл зургийг хүлээн авахгүй. Энэ мэдээллийн 2 дугаар хуудсанд байгаа гэрэл зурагт тавигдах шаардлагуудыг уншина уу.

4. ЯАГААД ЗАРИМ УЛС ОРНЫ УУГУУЛ ИРГЭД ОЛОН ҮНДЭСТНИЙ ВИЗИЙН ХӨТӨЛБӨРТ ОРОЛЦОХ БОЛОМЖГҮЙ БАЙДАГ ВЭ?

Олон үндэстний виз нь АНУ-д олон цагаач илгээдэг улс орнуудаас бусад улс орны иргэдэд цагаачлах боломж олгох зорилготой. Хуулинд зааснаар АНУ руу цагаачид их гаргасан улс орнуудад олон үндэстний виз огт олгохгүй. Өөрөөр хэлбэл өнгөрсөн таван жилийн хугацаанд Гэр бүлийн болон

Хөдөлмөр эрхлэлтийн визийн төрлөөр нийт 50,000 хүн Америкийн Нэгдсэн Улсад цагаачлуулсан улс орнууд тус хөтөлбөрт оролцох боломжгүй. АНУ-ын Иргэншил, цагаачлалын алба жил бүрийн олон үндэстний визийн сугалаанд оролцох эрхгүй улс орнуудыг тодорхойлохын тулд жил бүр гэр бүл, хөдөлмөр эрхлэлтийн категориор цагаачилсан цагаачдын тоог нэмж өнгөрсөн таван жилийн цагаачлалын статистик мэдээг гаргадаг. Жил бүрийн E-DV мэдүүлгийн хугацаа эхлэхээс өмнө тусгай шийдвэр гардаг тул уугуул иргэд нь оролцох эрхгүй улс орнуудын жагсаалт жил бүр өөрчлөгддөг.

5. DV-2009-ЫН ДАГУУ ЦАГААЧЛАХ ХҮМҮҮСИЙН ТООНД ЯМАР ХЯЗГААР ТАВЬСАН БЭ?

Хуульд заасны дагуу АНУ-ын олон үндэстний цагаачлалын хөтөлбөрийн дагуу жил бүр шаардлага хангасан хүмүүст дээд тал нь 55,000 байнгын оршин суугчийн виз олгох ёстой. Гэхдээ 1997 оны 11 дүгээр сард Конгрессоос баталсан Никарагуагийн асуудлыг зохицуулах, Төв Америкт туслах хуулинд (NACARA) DV-1999-ээс эхлэн шаардлагатай хугацааны турш олон үндэстний визийн хөтөлбөрт жил бүр хуваарилдаг 55,000 визээс 5,000-ыг нь NACARA хөтөлбөрийн дагуу олгохоор заасан. Олон үндэстний визийн хөтөлбөрт хуваарилдаг визийн тоог 5,000-аар бууруулсан энэхүү шийдвэрийг DV-2000-аас эхлэн хэрэгжүүлсэн бөгөөд DV-2009 хөтөлбөрийн хугацаанд хэвээр мөрдөгдөх хандлагатай байна.

6. DV-2009 ХӨТӨЛБӨРИЙН БҮС НУТАГТ ХУВААРИЛАХ ОЛОН ҮНДЭСТНИЙ ВИЗИЙН (DV) ТООНД ЯМАР ХЯЗГААРЛАЛТ ТОГТООСОН БЭ?

АНУ-ын Иргэншил, цагаачлалын алба (USCIS) нь жил бүр Цагаачлал, харъяаллын тухай хуулийн (ЦХТХ) 203(с) хэсэгт заасан томъёогоор бүс нутгуудад хуваарилах DV визийн тооны хязгаарыг боддог. USCIS дээрх тооцоог хийж дууссаныхаа дараа бүс нутаг бүрийн визийн тоонд тавьсан хязгааруудыг зарлана.

7. DV-2009 ХӨТӨЛБӨРТ ОРОЛЦОХ МЭДҮҮЛГИЙГ ХЭЗЭЭ ХҮЛЭЭН АВАХ ВЭ?

DV-2009-т оролцох мэдүүлгээ өгөх хугацаа нь бүртгэлийн хугацааны турш үргэлжилнэ. Жил бүр бүртгэлийн хугацаанд олон сая хүн хөтөлбөрт оролцохоор мэдүүлгээ өгдөг. Асар олон мэдүүлэг ирдэг тул сугалаанд хожигчдыг сонгож, материалыг нь боловсруулахад асар их ажиллагаа ордог. 10, 11, 12 дугаар саруудын турш мэдүүлэг хүлээн авснаар сонгогдсон хүмүүст зохих хугацаанд нь мэдэгдэх боломжтой болж байгаа төдийгүй виз мэдүүлэгчид болон манай элчин сайдын яам, консулын газруудын аль алинд нь виз олгох хэргийг бэлтгэж, шийдвэрлэх хугацаа өгч байна. Та бүртгэлийн хугацааны дотор аль болох эрт мэдүүлгээ өгвөл маш сайн. Бүртгэлийн хугацааны сүүлээр эрэлт ихэсдэгээс шалтгаалж системийн хурд удааширч болно. 2007 оны 12 дугаар сарын 2-ны Дорнодын стандарт цагийн бүсийн (EST) үдийн 12.00 цагаас хойш ямар ч мэдүүлэг хүлээн авахгүй.

8. АНУ-Д БАЙГАА ХҮМҮҮС ХӨТӨЛБӨРТ ОРОЛЦОХООР МЭДҮҮЛГЭЭ ГАРГАЖ БОЛОХ УУ?

Тиймээ, мэдүүлэгч нь АНУ буюу өөр улсад байж болно. Мэдүүлгийг АНУ-аас буюу гадаадаас гаргаж болно.

9. ЖИЛ БҮРИЙН E-DV БҮРТГЭЛИЙН ХУГАЦАА НЭГ МЭДҮҮЛЭГЧ ЗӨВХӨН НЭГ Л МЭДҮҮЛЭГ ГАРГАХ ЭРХТЭЙ ЮУ?

Тиймээ, бүртгэлийн хугацааны турш хүн бүр нэг мэдүүлэг гаргахыг хуулиар зөвшөөрсөн. **Нэр дээр нь нэгээс олон мэдүүлэг оруулсан хүмүүсийг хасна.** Төрийн департамент бүртгэлийн хугацааны турш олон мэдүүлэг оруулсан хүмүүсийг илрүүлэх боловсронгуй технологи болон бусад хэрэгсэл ашиглана. Нэгээс олон мэдүүлэг оруулсан хүмүүс хасагдах бөгөөд электрон мэдээллийг Төрийн департамент байнга хадгалдаг. Хүмүүс жил бүр бүртгэлийн ердийн хугацааны турш тус хөтөлбөрт оролцох мэдүүлгээ гаргаж болно.

10. ЭХНЭР НӨХӨР ТУСДАА МЭДҮҮЛЭГ ГАРГАЖ БОЛОХ УУ?

Тиймээ, эхнэр нөхөр хоёр тус бүр шалгуурт тэнцэж байвал тусдаа нэг нэг мэдүүлэг гаргаж болно. Аль нэг нь сонгогдсон тохиолдолд нөгөөдөх нь дагаж явах эрхтэй.

11. БИ E-DV МЭДҮҮЛЭГТЭЭ ГЭР БҮЛИЙНХЭЭ ЯМАР ГИШҮҮДИЙГ ОРУУЛАХ ЁСТОЙ ВЭ?

Та мэдүүлэгтээ эхнэр/нөхөр, АНУ-ын иргэн буюу хууль ёсны байнгын оршин суугч хүүхдүүдээс бусад гэрлээгүй 21-ээс доош насны бүх хүүхдүүдээ оруулна. Та эхнэр/нөхрөөсөө салсан ч гэсэн хууль ёсны дагуу салаагүй байгаа бол (өөрөөр хэлбэл шүүх буюу шүүхийн тогтоолоор хүлээн зөвшөөрсөн бичгээр байгуулсан гэрээ байхгүй бол) эхнэр/нөхрөө мэдүүлэгтээ оруулна. Хэрэв та хууль ёсны дагуу салсан буюу гэр бүлээ цуцлуулсан бол хуучин эхнэр/нөхрөө бичих шаардлагагүй. Та гэрлээгүй бөгөөд 21 нас хүрээгүй бүх төрсөн хүүхдүүд, эхнэр/нөхрийнхөө хүүхдүүд, улс орныхоо хуулийн дагуу албан ёсоор үрчилж авсан хүүхдүүдээ АНУ-ын иргэн буюу хууль ёсны байнгын оршин суугч биш л бол мэдүүлэгтээ оруулах ёстой. Ингэхдээ тэд одоогоор тантай хамт амьдардаггүй, тантай хамт DV хөтөлбөрийн дагуу цагаачлахгүй байсан ч 21-ээс доош насны бүх хүүхдүүдээ оруулах ёстой.

Та гэр бүлийнхээ гишүүдийг мэдүүлэгтээ оруулсан нь тэд сүүлд тантай хамт явах ёстой гэсэн үг биш. Тэд ард тань хочрохоор шийдэж болно. Гэхдээ та анхны мэдүүлэгтээ оруулаагүй тэжээлгэгчээ визийн өргөдлийн маягтан дээр оруулсан тохиолдолд таны хэргийг хасна. Энэ нь анхны мэдүүлэг гаргах үед гэр бүлийн гишүүн байсан хүмүүст л хамаатай бөгөөд сүүлд нэмэгдсэн гэр бүлийн гишүүдэд хамаагүй. Таны эхнэр/нөхөр таны мэдүүлэгт орсон ч гэсэн тусдаа мэдүүлэг гаргаж болно. Гол нь хоёр мэдүүлэгтээ хоёуланд нь гэр бүлийнхээ бүх тэжээлгэгчийн тухай мэдээллийг оруулах ёстой. Дээрхи асуулт №10-ыг үзнэ үү.

12. ХҮН БҮР ӨӨРИЙН МЭДҮҮЛГИЙГ ГАРГАХ ЁСТОЙ ЮУ ЭСВЭЛ НЭГ ХҮН НӨГӨӨГИЙНХӨӨ ӨМНӨӨС МЭДҮҮЛЭГ ГАРГАЖ БОЛОХ УУ?

Хүмүүс өөрсдийнхөө мэдүүлгийг бэлтгэж, оруулах буюу мэдүүлгээ өөр хүнээр оруулуулж болно. Мэдүүлгээ өөрөө шууд оруулсан ч, өмгөөлөгч, таньдаг хүн, төрөл садныхаа хүнээс тусламж авсан ч бай хүн бүрийн нэр дээр нэг л мэдүүлэг оруулах ёстой бөгөөд мэдүүлгэн дээрхи мэдээллийн үнэн зөв, бүрэн эсэхийг мэдүүлэгч өөрөө хариуцна гэдгийг санаж байх ёстой. Мэдүүлэг сонгогдсон тохиолдолд зөвхөн мэдүүлгэн дээр заасан шуудангийн хаяг руу мэдэгдэл илгээнэ.

13. БОЛОВСРОЛ, АЖЛЫН ТУРШЛАГЫН ШАЛГУУР НЬ ЮУ ВЭ?

Хууль тогтоомжид зааснаар мэдүүлэгч бүр дор хаяж ахлах сургуулийн боловсрол буюу түүнтэй адилтгах боловсролтой эсвэл сүүлийн таван жилийн хугацаанд дор хаяж хоёр жилийн сургалт, туршлага шаардах мэргэжлээр хоёр жил ажилласан туршлагатай байх ёстой. "Ахлах сургуулийн боловсрол буюу түүнтэй адилтгах боловсрол" гэдэг нь Америкийн Нэгдсэн Улсад бага болон дунд боловсролын 12 жилийн сургалтыг амжилттай дүүргэсэн байх эсвэл өөр улс оронд АНУ-ын ахлах сургуулийн боловсролтой дүйцэхүйц албан ёсны бага болон дунд боловсролын сургалтыг амжилттай дүүргэсэн байхыг хэлнэ. Боловсрол, ажлын туршлагыг нотлох баримт бичгийг визийн ярилцлагын үеэр консулын ажилтанд өгөх ёстой. Ажлын туршлага дээр үндэслэн шалгуур хангасан эсэхийг тодорхойлохдоо АНУ-ын Хөдөлмөрийн департаментийн O*Net OnLine мэдээллийн сангийн тодорхойлолтуудыг хэрэглэнэ.

Олон үндэстний визийн хөтөлбөрт ямар мэргэжлүүд тэнцэх вэ?

АНУ-ын Хөдөлмөрийн департаментийн O*Net OnLine мэдээллийн сан ажлын туршлагыг таван "мэргэжлийн бүсэд" ангилсан. Хөдөлмөрийн департаментийн вэбсайтад олон мэргэжлийг жагсаасан боловч Олон үндэстний визийн хөтөлбөрт тодорхой мэргэжлүүд тэнцэнэ. Ажлын туршлагаараа Олон үндэстний визийн шалгуурт тэнцэхийн тулд та өнгөрсөн таван жилийн хугацаанд Мэргэжлийн тусгай бэлтгэлийн (SVP) 7.0 буюу түүнээс дээш зэрэглэлтэй 4, 5 дугаар мэргэжлийн бүсэд багтсан мэргэжлээр хоёр жил ажилласан туршлагатай байх ёстой.

Хөдөлмөрийн департаментийн вэбсайтаас Шалгуурт тэнцэх мэргэжлүүдийг хэрхэн олох вэ?

DV хөтөлбөрийн шалгуурт тэнцэх мэргэжлүүдийг Хөдөлмөрийн департаментийн O*Net OnLine мэдээллийн санд жагсаасан. Таны мэргэжил шалгуурт тэнцэх эсэхийг мэдэхийн тулд дараах үе шатыг дагана уу: "Find Occupations" (Мэргэжил ол) гэснийг сонгоод дараа нь "Job Family" (Мэргэжлийн бүл) гэснийг сонго. Жишээлбэл "Architecture and Engineering" (Архитектур, инженер) гэснийг сонгоод "GO" товчийг дар. Тэгээд тодорхой нэг мэргэжлийн холбоос дээр дар. Дээрхи жишээг үргэлжлүүлбэ:

"Aerospace Engineers" (Сансрын хөлгийн инженер) гэснийг сонгоё. Тодорхой нэг мэргэжлийг сонгосны дараа "Job Zone" (Мэргэжлийн бүс) гэснийг дарж Мэргэжлийн бүсийн дугаар, Мэргэжлийн тусгай бэлтгэл (SVP)-ийн зэрэглэлээ олж мэднэ.

14. СУГАЛААНД ХОЖИГЧДЫГ ХЭРХЭН СОНГОХ ВЭ?

ентаккийн Консулын төв дээр бүс бүрээс ирсэн бүх мэдүүлгийг тус тусад нь дугаарлана. Бүртгэлийн хугацаа дууссаны дараа компьютер газарзүйн бүс бүрээс хүлээн авсан бүх мэдүүлгээс санамсаргүй байдлаар сонголт хийнэ. Бүс бүртээ санамсаргүй байдлаар сонгогдсон эхний мэдүүлэг нэгт, сонгогдсон хоёрдахь мэдүүлэг хоёрт гэх мэтчилэн бүртгэгдэнэ. Бүртгэлийн хугацаанд хүлээн авсан бүх мэдүүлэг бүс бүрийн хүрээнд сонгогдох магадлал ижил байна. Мэдүүлэг нь сонгогдсон тохиолдолд тухайн мэдүүлэгчид Кентаккийн Консулын төвөөс мэдэгдэл ирэх бөгөөд үүгээр визийн өргөдөл гаргах зааварчилгаа өгнө. Виз мэдүүлэгчээр сонгогдсон хүмүүсийг АНУ-ын консулын албанд ирж визийн ярилцлага өг гэж дуудах хүртэл эсвэл Америкийн Нэгдсэн Улсад байгаа статусаа өөрчлөх боломжтой болсон хүмүүс дотоодын USCIS-ын салбарт өргөдөл гаргах хүртэл Кентаккийн Консулын төв хэргийг хариуцан хянах болно.

Анхаарах зүйл: Санамсаргүй байдлаар явуулсан сугалаанд сонгогдсон хүмүүст мэдэгдлийг имэйлээр явуулдаггүй. Таныг E-DV хөтөлбөрт сонгогдсон тухай мэдэгдэл имэйлээр ирвэл тэрхүү мэдэгдэл нь хуурамч гэдгийг анхаар.

15. СОНГОГДСОН ХҮМҮҮС СТАТУСАА ӨӨРЧЛӨХӨӨР USCIS-Д ХАНДАЖ БОЛОХ УУ?

Тиймээ, тэд ЦХТХ-ийн 245 дугаар хэсэгт заасан нөхцлийн дагуу статусаа өөрчлөх эрхтэй бол, Америкийн Нэгдсэн Улсад байгаа сонгогдсон хүмүүс өөрсдийн статусаа байнгын оршин суугчийн статус болгон өөрчлөхийн тулд USCIS-д хандаж болно. Мэдүүлэгчид 2009 оны 9 дүгээр сарын 30-аас өмнө USCIS тэдний хэргийг шийдвэрлэж, АНУ-д дагалдаж ирэх хүмүүсийн материалыг хянан шийдвэрлэсэн байх ёстойг анхаарна уу. Учир нь тэрхүү өдөр DV-2009 хөтөлбөрийн бүртгэлийн хугацаа дуусна. 2009 оны 9 дүгээр сарын 30-ны шөнө дундаас хойш ямар ч нөхцөлд DV-2009 хөтөлбөрийн визийн дугаар өгөхгүй.

16. СОНГОГДООГҮЙ ОРОЛЦОГЧДОД ҮР ДҮНГ МЭДЭГДЭХ ҮҮ?

Үгүй, сонгогдоогүй оролцогчид мэдүүлгийнхээ талаар ямар нэгэн хариу авахгүй. Зөвхөн сонгогдсон хүмүүст л мэдэгдэнэ. Бүх мэдэгдэл бичиг мэдүүлэг гаргах хугацаа дууссанаас хойш 5-7 сарын дотор мэдүүлэг дээр заасан хаягаар очно. Сонгогдоогүй хүмүүст мэдэгдэл өгдөггүй учраас бүртгэлийн хугацаа дууссанаас хойш 5-7 сарын дотор мэдэгдэл бичиг аваагүй хүмүүс мэдүүлэг нь сонгогдоогүй гэж ойлгох хэрэгтэй.

17. ХЭДЭН ХҮН СОНГОГДОХ ВЭ?

DV-2009 хөтөлбөрөөр нийт 50,000 DV виз өгөх боловч түүнээс олон хүн сонгогдох болно. Сонгогдсон эхний 50,000 хүнээс визийн шалгуурт тэнцэхгүй хүмүүс ч гарна, визээ хөөцөлдөхгүй орхих хүмүүс ч гарна. Тиймээс байгаа бүх DV визийг олгохын тулд Кентаккийн Консулын төв дээр 50,000-аас олон мэдүүлгийг сонгодог. Гэхдээ энэ нөгөө талаар анх сонгогдсон бүх хүнд хүрэлцэхүйц тооны виз байхгүй гэсэн үг. Сонгогдсон бүх хүмүүст жагсаалтад байгаа байрных нь талаар шуурхай мэдээлнэ. DV-2009 хөтөлбөрийн ярилцлага 2008 оны 10 дугаар сард эхэлнэ. Кентаккийн Консулын төв сонгогдсон хүмүүст гадаад дахь АНУ-ын консулын ажилтнуудад ярилцлага өгөх хуваарьт өдрөөс 4-6 долоо хоногийн өмнө тэдэнд уулзалтын өдөр цагийг мэдэгдсэн бичгийг илгээнэ. Сар тутамд визийн дугаар байгаа нөхцөлд тухайн сард виз олгоход бэлэн мэдүүлэгчдэд виз олгоно. Бүх 50,000 DV виз олгогдож дууссанаар тухайн жилийн хөтөлбөр дуусна. Өөрөөр хэлбэл визийн дугаарыг 2009 оны 9 дүгээр сараас өмнө дуусгаж болно. Сонгогдсон хүмүүс визээ авахыг хүсвэл хурдан шуурхай хөөцөлдөхөд бэлэн байх ёстой. Кентаккийн Консулын төвийн компьютерээр хийдэг санамсаргүй сонголтонд сонгогдсоноор та автоматаар виз авах баталгаатай боллоо гэж бодож болохгүй.

18. E-DV ХӨТӨЛБӨРТ ОРОЛЦОХ НАСНЫ ДООД ХЯЗГААР БАЙДАГ УУ?

Тус хөтөлбөрт мэдүүлэг гаргах насны доод хязгаарыг заагаагүй боловч гол мэдүүлэгчийг мэдүүлэг гаргах үедээ ахлах сургуулийн боловсролтой буюу ажлын туршлагатай байхыг шаарддаг тул 18-аас доош насны ихэнх хүмүүс энэ шалгуурт тэнцэхгүй.

19. E-DV ХӨТӨЛБӨРТ ОРОЛЦОХОД ХУРААМЖ ТӨЛДӨГ ҮҮ?

Электрон сугалааны мэдүүлэг гаргахад ямар ч хураамж төлдөггүй. DV хүсэгчид виз хүссэн өргөдөл гаргах үедээ шаардлагатай бүх визийн хураамжийг тухайн элчин сайдын яам буюу консулын газрын консулын кассанд шууд тушаах ёстой. Шаардлагатай олон үндэстний виз, цагаачлалын виз хүсэх өргөдлийн хураамжтай холбоотой мэдээлэл Кентакийн Консулын төвөөс сонгогдсон хүмүүст илгээх зааварчилгаанд орсон байна.

20. DV ХҮСЭГЧИД ВИЗИЙН ШАЛГУУР ХАНГАХГҮЙ БАЙГАА ЯМАР НЭГ ҮНДЭСЛЭЛЭЭС ЧӨЛӨӨЛӨГДӨХ ҮҮ? ИЙНХҮҮ ЧӨЛӨӨЛӨГДӨХ ХҮСЭЛТ ГАРГАВАЛ ТУСГАЙЛАН АВЧ ҮЗЭХ ҮҮ?

Үгүй. Цагаачлал, харъяаллын тухай хуульд заасан цагаачлалын виз авах шалгуур хангахгүй байх бүх үндэслэл өргөдөл гаргагчдад хамаатай байх болно. Тус хуульд визийн шалгуур хангахгүй байгаа ямар нэгэн үндэслэлээс чөлөөлөх тусгай заалтууд байхгүй бөгөөд ийнхүү чөлөөлөгдөх хүсэлтийг тусгайлан авч үздэг журам ч байхгүй.

21. ӨӨР КАТЕГОРИОР ЦАГААЧЛАЛЫН ВИЗЭНД БҮРТГҮҮЛСЭН ХҮМҮҮС DV ХӨТӨЛБӨРТ ОРОЛЦОЖ БОЛОХ УУ?

Тиймээс, ийм хүмүүс DV хөтөлбөрт оролцох мэдүүлэг гаргаж болно.

22. СОНГОГДСОН ХҮМҮҮС ХЭР УДААН ХУГАЦААНД DV КАТЕГОРИОР ВИЗ ХҮСЭХ ЭРХТЭЙ БАЙХ ВЭ?

DV-2009 сугалаанд сонгогдсон хүмүүс зөвхөн 2009 оны санхүүгийн жилийн турш 2008 оны 10 дугаар сарын 1-нээс 2009 оны 9 дүгээр сарын 30 хүртэлхи хугацаанд виз хүсэх эрхтэй. Өргөдөл гаргагчид санхүүгийн жилийн эцэс гэхэд DV виз авах буюу статусаа өөрчилсөн байх ёстой. Сонгогдсон боловч 2009 оны санхүүгийн жилд багтан визээ авч чадаагүй хүмүүсийн DV хүсэх эрхийн хугацааг дараа он руу шилжүүлдэггүй. Мөн DV-2009-аас виз хүсэх эрхтэй болсон эхнэр/нөхөр буюу хүүхдүүд 2008 оны 10 дугаар сараас 2009 оны 9 дүгээр сар хүртэлхи хугацаанд л DV категорийн виз авах боломжтой. Гадаадаас мэдүүлэг гаргасан хүмүүст Кентакийн Консулын төв ярилцлага болох өдрөөс 4-6 долоо хоногийн өмнө ярилцлагын цагийг мэдэгдсэн бичиг илгээнэ.

23. E-DV-Д СОНГОГДСОН ХҮН НАС БАРВАЛ DV ВИЗИЙН АСУУДАЛ ЮУ БОЛОХ ВЭ?

Сугалаанд сонгогдсон хүн нас барвал DV визийн хэргийг автоматаар хүчингүй болгоно. Нас барсан хүний эхнэр/нөхөр, хүүхдүүд тухайн мэдүүлгээр DV виз авах эрхгүй болно.

24. ОНЛАЙН E-DV МЭДҮҮЛЭГ ХЭЗЭЭ ӨГӨХ БОЛОМЖТОЙ БАЙХ ВЭ?

2007 оны 10 дугаар сарын 3-ны Дорнодын өдрийн цагийн бүсийн (EDT) (GMT-4) үдийн 12.00 цагаас 2007 оны 12 дугаар сарын 2-ны Дорнодын стандарт цагийн бүсийн (EST) (GMT-5) үдийн 12.00 цаг хүртэл интернетээр мэдүүлэг оруулах боломжтой.

25. E-DV МЭДҮҮЛГИЙН МАЯГТЫГ MICROSOFT WORD ПРОГРАМ (БУЮУ БУСАД ТОХИРОМЖТОЙ ПРОГРАМ РУУ) ТАТАН АВЧ ХАДГАЛААД ДАРАА НЬ БӨГЛӨЖ БОЛОХ УУ?

Үгүй та энэ маягтыг сүүлд бөглөж өгөхөөр өөр програмд хадгалах боломжгүй. E-DV мэдүүлгийн маягт нь зөвхөн интернетээр бөглөдөг маягт юм. Ингэснээр аль бичгийн програмын форматаас илүү “нийтлэг” хэрэглэгдэх боломжтой болсон. Үүний зэрэгцээ тус маягтыг бөглөхдөө интернетээ салгахгүйгээр мэдээллээ оруулж, илгээх шаардлагатай.

26. ХЭРЭВ НАДАД СКАННЕР БАЙХГҮЙ БОЛ БИ ЗУРГАА АНУ БАЙДАГ ХАМААТАН РУУГАА ЯВУУЛААД СКАННЕРДУУЛЖ, ДИСКЭНД БУУЛГУУЛААД ТЭР ДИСКИЙГ ШУУДАНГААР АВААД МЭДҮҮЛГЭЭ ГАРГАЖ БОЛОХ УУ?

Тиймээ, гэрэл зураг тань энэхүү зааварчилгаан дээр байгаа гэрэл зурагт тавих шаардлагыг хангаж байгаа бөгөөд E-DV-ийн онлайн мэдүүлгээ гаргахдаа зургаа электрон хэлбэрээр оруулж амжвал дээрх байдлаар зургаа авч оруулж болно. Мэдүүлэгчид интернетээр мэдүүлгээ гаргахаас өмнө бэлэн сканнердсан гэрэл зургийн файлтай байх ёстой. Гэрэл зургаа онлайн мэдүүлгээсээ тусад нь оруулж болохгүй. Хүн бүр нэг л онлайн мэдүүлэг гаргаж болно. Олон удаа мэдүүлэг гаргавал DV-2009-д

оруулсан тухайн хүний мэдүүлэг хасагдана. Та өөрийн мэдүүлгээ АНУ буюу бусад гадаад улсаас бүхэлд нь (гэрэл зураг, мэдүүлгийг хамтад нь) электрон хэлбэрээр оруулуулж болно.

27. МЭДҮҮЛГИЙН МАЯГТЫН НЭГ ХЭСГИЙГ НЬ БӨГЛӨӨД ИНТЕРНЕТЭД ХАДГАЛЖ ДАРАА НЬ ЭРГЭЖ ОРООД ГҮЙЦЭЭН БӨГЛӨЖ БОЛОХ УУ?

Үгүй, ингэх боломжгүй. E-DV мэдүүлгийн маягтыг нэгмөсөн бөглөж оруулахаар зохиосон. Гэхдээ маягт хоёр хэсэгтэй бөгөөд сүлжээний тасалдал, доголдол гарч болох тул маягтыг татаж авахаас эхлээд мэдүүлгийг интернетээр оруулсны дараа E-DV вэбсайт дээр хүлээн авах хүртэлхи нийт хугацаа жаран (60) минут байхаар E-DV системийг бүтээсэн. Жараас илүү минут болбол мэдүүлгийг электрон хэлбэрээр хүлээн авахгүй бөгөөд орсон бүх мэдээлэл устана. Ингэснээр бүтэн оруулсан мэдүүлэг нь өмнө хагас дутуу оруулсан мэдүүлгийн хуулбар байна гэж ойлгогдох эрсдлээс сэргийлж байгаа юм. Жишээлбэл эхнэр хүүхэдтэй хүн E-DV мэдүүлгийн маягтын нэгдүгээр хэсгийг бөглөөд дараа нь маягтын хоёрдугаар хэсгийг хүлээн авчээ гэж бодъё. Гэтэл хүүхдийнхээ зургийг хадгалсан файлаа олох гэж цаг алдсанаас болоод хоёрдугаар хэсгийг илгээхэд илүү цаг зарцуулжээ. Хэрэв мэдүүлэгчийн бөглөсөн маягтын хоёрдугаар хэсгийг E-DV вэбсайт жаран (60) минутын дотор хүлээн авбал ямар ч асуудал гарахгүй. Гэхдээ хэрэв маягтын хоёрдугаар хэсгийг жаран (60) минутын хугацаа өнгөрсний дараа хүлээн авбал нийт мэдүүлгээ бүр эхнээс нь бөглөж эхлэх ёстой гэсэн бичиг гарна. Маягтыг бөглөхөд ямар мэдээлэл шаардагдахыг DV-2009-ын зааварчилгаа тодорхой бөгөөд бүрэн тайлбарласан байгаа. Тиймээс та интернетээр маягт бөглөж эхлэхээсээ өмнө хэрэгтэй бүх мэдээллээ бэлдэж, бүрэн бэлтгэлтэй байж чадна.

28. ХЭРЭВ ОРУУЛСАН ДИЖИТАЛ ЗУРГУУД ҮЗҮҮЛЭЛТИЙГ ХАНГАХГҮЙ БОЛ СИСТЕМ E-DV МЭДҮҮЛГИЙН МАЯГТЫГ АВТОМАТААР ТАТГАЛЗАЖ, ИЛГЭЭГЧИД МЭДЭГДЭНЭ ГЭЖЭЭ. ТЭГЭХЭЭР БИ МЭДҮҮЛГЭЭ ДАХИЖ ОРУУЛЖ БОЛНО ГЭСЭН ҮГ ҮҮ?

Тиймээ, мэдүүлгээ дахин оруулж болно. Таны өмнөх мэдүүлгийг автоматаар татгалзсан тул таны мэдүүлгийг E-DV вэбсайтад хүлээн авсан гэж тооцохгүй. Өөрөөр хэлбэл үүнийг E-DV мэдүүлэг оруулсан гэж тооцохгүй бөгөөд танд хүлээн авсан мэдэгдэл илгээхгүй. Илгээсэн дижитал гэрэл зураг шаардлага хангаагүйгээс болж асуудал гарвал ийм мэдүүлгийг E-DV вэбсайт автоматаар татгалзана. Гэхдээ татгалзсан тухай мэдээ илгээгчид хүрэх хүртэл зарцуулагдах хугацааг интернетийн шинжээс болоод урьдчилан хэлэх аргагүй. Мэдүүлэгч дээрхи асуудлыг шийдвэрлээд маягтын нэг, хоёрдугаар хэсгээ жаран (60) минутын дотор дахин илгээж амжвал ямар ч асуудалгүй. Ингэж амжаагүй тохиолдолд мэдүүлгээ бөглөж оруулах ажиллагааг дахиад эхлэхээс өөр аргагүй болно. Систем бүрэн мэдүүлэг хүлээн авч, нотолгоо илгээх хүртэл мэдүүлэгч хэдэн ч удаа мэдүүлэг гаргахыг оролдож болно.

29. БӨГЛӨСӨН E-DV МЭДҮҮЛГИЙН МАЯГТЫГ ОНЛАЙН СИСТЕМ ХҮЛЭЭН АВСНЫГ НОТЛОХ ЭЛЕКТРОН НОТЛОГООГ МЭДҮҮЛЭГ ОРУУЛСНЫ ДАРАА ТЭР ДАРУЙ ИЛГЭЭХ ҮҮ?

Хүлээн авч болохуйц E-DV мэдүүлгийн маягтыг хүлээн авснаа нотолсон хариуг E-DV вэбсайт тэр даруй явуулдаг. Гэхдээ энэ хариу илгээгчид хэр удаж хүрэхийг интернетийн шинжээс болоод урьдчилан хэлэх аргагүй. 'Submit' (Оруул) товчийг дарснаас хойш олон минут өнгөрвөл 'Submit' товчийг хоёрдахь удаагаа дарахад ямар ч аюулгүй. Та нотолсон хариу хүлээн аваагүй учир 'Submit' (Оруул) товчийг хоёр удаа дарахад E-DV систем будилахгүй. Онлайн систем бүрэн мэдүүлэг хүлээн авч, нотолгоо илгээх хүртэл мэдүүлэгч хэдэн ч удаа мэдүүлэг оруулахыг оролдож болно.

30. НАМАЙГ СОНГОГДСОН ГЭЖ МЭДЭГДСЭН МЭДЭГДЭЛ ЖИНХЭНЭ ЭСЭХИЙГ ХЭРХЭН МЭДЭХ ВЭ? БИ САНАМСАРГҮЙ БАЙДЛААР ЯВУУЛДАГ DV СУГАЛААНД ҮНЭХЭЭР СОНГОГДСОН ЭСЭХЭЭ ХЭРХЭН МЭДЭЖ БОЛОХ ВЭ?

Төрийн департаментийн E-DV сугалааны компьютер программ шаардлага хангасан мэдүүлгүүдээс санамсаргүй байдлаар сонгосны дараа тэдэнд имэйлээр мэдэгдэхгүй. Сонгогдсон хүмүүст 2008оны 5-7-р саруудад тэдний E-DV мэдүүлэгт заасан хаягаар шуудангаар захиа илгээж мэдэгдэнэ. Зөвхөн санамсаргүй байдлаар сонгогдсон хүмүүст мэдэгдэнэ. Сонгогдоогүй хүмүүс мэдэгдэл авахгүй. АНУ-ын элчин сайдын яамд болон консулын газрууд сонгогдсон хүмүүсийн жагсаалтыг өгөх боломжгүй.

Кентакийн Консулын төв (ККТ) сонгогдсон хүмүүст мэдэгдэл илгээнэ. Эдгээр захидлаар виз хүсэх журмын талаар зааварчилгаа өгнө. Зааварчилгаанд сонгогдсон мэдүүлэгчид зөвхөн АНУ-ын элчин сайдын яам буюу консулын газар виз хүсэх үедээ олон үндэстний болон цагаачлалын визийн хураамжаа бүгдийг нь төлнө гэж бичсэн байна. Консулын касс буюу консулын ажилтан тэр даруй төлбөр хүлээн

авсныг нотлох АНУ-ын засгийн газрын баримтыг мэдүүлэгчид өгнө. Та DV-ийн хураамжийн мөнгийг шуудан, Western Union, буюу бусад хүргэх үйлчилгээгээр илгээх ёсгүй.

E-DV сугалааны мэдүүлгийг интернетээр АНУ-ын Засгийн газрын албан ёсны www.dvlottery.state.gov хаяг бүхий E-DV-ийн вэбсайтаар дамжуулан гаргана. ККТ зөвхөн сонгогдсон хүмүүст л захидал илгээнэ. ККТ, консулын газрууд буюу АНУ-ын Засгийн газар сонгогдсон хүмүүст мэдэгдэх имэйл хэзээ ч явуулж байгаагүй бөгөөд DV-2009 хөтөлбөрт энэ зорилгод имэйл ашиглана гэж төлөвлөөгүй.

Төрийн департаментийн Визийн алба ".gov" өргөтгөл бүхий хаягтай вэбсайтууд л засгийн газрын албан ёсны вэбсайт мөн гэдгийг олон нийтэд мэдэгдсэн. Төрийн бус бусад олон вэбсайт (жишээлбэл, ".com", ".org", ".net" зэрэг өргөтгөлтэй вэбсайтууд) цагаачлал болон визтэй холбоотой хууль ёсны, ашигтай мэдээлэл, үйлчилгээ өгдөг. Төрийн бус вэбсайтуудын агуулгаас үл хамааран Төрийн департамент эдгээр бусад вэбсайтад үзүүлсэн аливаа мэдээлэл, материалыг сайшааж, зөвлөж, ивээн тэтгэдэггүй.

Зарим вэбсайт өөрсдийгөө албан ёсны вэбсайт гэж олон нийт, үйлчлүүлэгчдэд итгүүлж төөрөгдүүлэхийг хичээн, таныг имэйлээр булж болно. Эдгээр вэбсайт нь Төрийн департаментийн Визийн албаны вэбсайт буюу гадаадад суугаа элчин сайдын яамдын консулын хэлтсийн вэбсайтаас үнэ төлбөргүй авч болох цагаачлалын журмын талаархи мэдээлэл болон маягт зэргийг танд санал болгохдоо төлбөр төлөхийг шаардаж болно.

Үүний зэрэгцээ эдгээр бусад вэбсайт нь таны мөнгийг шууд залилж авахын тулд олон үндэстний цагаачлалын өргөдөл болон визийн хураамж зэргийг багтаасан хэзээ ч үзүүлэхгүй үйлчилгээнийхээ хөлсийг танаас нэхэж болно. Та эдгээр залилан мэхлэгчдэд мөнгөө явуулбал тэд ор сураггүй алга болно. Та эдгээр вэбсайтад хувийн мэдээллээ оруулахдаа залилан мэхлэх/хулгайн гэмт хэрэгт ашиглагдаж болох мэдээлэл өгөхдөө болгоомжил.

31. ИНТЕРНЕТИЙН ЗАЛИЛАН БУЮУ ХҮСЭЭГҮЙ ИМЭЙЛИЙН ТАЛААР ХЭРХЭН МЭДЭЭЛЭХ ВЭ?

Хэрэв та интернетийн залилангийн талаар гомдол гаргахыг хүсч байвал Холбооны худалдааны комиссын ажиллуулдаг, 17 улсын хэрэглэгчийн эрх ашгийг хамгаалах байгууллагуудын хамтарсан [econsumer.gov](http://www.econsumer.gov) вэбсайт руу <http://www.econsumer.gov/english/> хаягаар орох буюу Холбооны мөрдөх товчооны (ХМТ) Интернетийн гэмт хэргийн талаар гомдол хүлээн авах төв буюу IC3-т хандана уу. Хүсээгүй имэйлийн талаар гомдол гаргахын тулд Хууль зүйн департаментад вэбсайтынх нь "contact us" (бидэнд ханд) гэсэн нүүрээр дамжуулан ханд.

32. ХЭРВЭЭ БИ ЭНЭ ПРОГРАММААР НОГООН КАРТ ХОЖВОЛ АМЕРИКИЙН ЗАСГИЙН ГАЗАР НАДЫГ ТЭНД БАЙР СУУРИА ОЛТОЛ ТЭНД ХҮРЭХ ОНГОЦНЫ БИЛЕТ, БАЙР СУУЦ, АЖЛЫН БАЙР, ЭРҮҮЛ МЭНД ЗЭРЭГ ТАЛААР ТЭТГЭМЖ ҮЗҮҮЛЭХ ҮҮ?

Үгүй, DV виз хожсон хүмүүст ямар нэгэн замын зардал, байр сууц зэрэг тэтгэмж олгогддоггүй. Хэрвээ та DV виз авахаар сонгогдсон бол, визээ авхаасаа өмнө та Америкт очоод Америкийн Засгийн Газраас ямар нэгэн тэтгэмж авахгүй гэдгээ батлах ёстой. /Америкийн Нэгдсэн Улсын Цагаачлалын хуулийн дагуу хэрвээ виз мэдүүлэгч тэтгэлэг авбал виз авах эрхгүй болдог гэдгийг анхаарна уу./ Энэ батламжид таны хувийн эд хөрөнгө, Америкт оршин суудаг таны хамаатан эсвэл найз нөхдийн бөглөсөн таныг санхүүгийн хувьд дэмжинэ гэдгийг баталсан I-134 анкет, эсвэл Америкийн талаас таныг ажилд авна гэсэн ажлын урилга зэрэг орно.

УУГУУЛ ИРГЭД НЬ DV-2009 ХӨТӨЛБӨРТ ОРОЛЦОХ ЭРХ БҮХИЙ УЛС ОРНЫ ЖАГСААЛТ (БҮС НУТГААР)

Доорхи жагсаалтад уугуул иргэд нь DV-2009 хөтөлбөрт оролцох эрхтэй улс орнуудыг тус хөтөлбөрт мөрддөг газарзүйн бүсээр хувааж жагсаалаа. Бүс нутгуудад улс орнуудыг багтаахдаа Төрийн департаментийн Газарзүйчийн өгсөн мэдээлэл дээр үндэслэсэн. Уугуул иргэд нь DV-2009 хөтөлбөрт оролцох эрхгүй улс орнуудыг АНУ-ын Иргэншил, цагаачлалын алба (USCIS) Цагаачлал, харъяаллын тухай хуулийн 203(с) хэсэгт заасан томъёоны дагуу тогтоодог. Хараат нутаг дэвсгэрүүд нь тухайн нутаг дэвсгэрийг захирдаг улс орнуудад багтана. Энэхүү олон үндэстний хөтөлбөрт уугуул иргэд нь оролцох эрхгүй улс орнуудыг (гэр бүлийн болон хөдөлмөр эрхлэлтийн цагаачлалын гол эх сурвалж болсон улс орнууд, өөрөөр хэлбэл "АНУ руу цагаач их гаргадаг" улс орнууд) тухайн бүс нутгийн улс орны жагсаалтын дараа жич тэмдэглэсэн.

АФРИК

Алжир	Ливи
Ангол	Мадагаскар
Бенин	Малави
Ботсвана	Мали
Буркино-Фасо	Мавритани
Бурунди	Маврик
Камерун	Марокко
Кабо-Верде	Мозамбик
Төв Африкийн Бүгд Найрамдах Улс	Намиби
Чад	Нигер
Коморын арлууд	Нигери
Конго	Руанда
Бүгд Найрамдах Ардчилсан Конго Улс	Сан Томе ба Принсипи
Кот д'Ивуар (Зааны ясан эрэг)	Сенегал
Джибути	Сейшелийн арлууд
Египет	Сьерра-Леоне
Экваторын Гвиней	Сомали
Эритрей	Өмнөд Африк
Этиоп	Судан
Габон	Свазиленд
Гамби	Танзани
Гана	Того
Гвиней	Тунис
Гвиней-Биссау	Уганда
Кени	Замби
Лесото	Зимбабве
Либериа	

УУГУУЛ ИРГЭД НЬ DV-2009 ХӨТӨЛБӨРТ ОРОЛЦОХ ЭРХ БҮХИЙ УЛС ОРНЫ ЖАГСААЛТ (БҮС НУТГААР)

АЗИ

Афганистан	Ливан
Бахрейн	Малайз
Бангладеш	Мальдив
Бутан	Монгол
Бруней	Балба
Бирм	Хойд Солонгос
Камбож	Оман
Зүүн Тимор	Катар
Хонгконгийн Тусгай захиргаатай бүс	Саудын Араб
Индонез	Сингапур
Иран	Шри-Ланк
Ирак	Сири
Израил	Тайвань
Япон	Тайланд
Иордан	Арабын Нэгдсэн Эмират
Кувейт	Йемен
Лаос	

Доор дурдсан Азийн улс орнуудын уугуул иргэд энэ жилийн олон үндэстний хөтөлбөрт оролцох эрхгүй:

Хятад [эх газрын], Энэтхэг, Пакистан, Өмнөд Солонгос, Филиппин, Вьетнам. Хонг Конгийн Тусгай захиргаатай бүс, Тайванийн уугуул иргэд өргөдөл гаргах эрхтэй бөгөөд дээр жагсаасан. Макаогийн Тусгай захиргаатай бүсийн уугуул иргэд мөн оролцох эрхтэй бөгөөд доор жагсаав.

УУГУУЛ ИРГЭД НЬ DV-2009 ХӨТӨЛБӨРТ ОРОЛЦОХ ЭРХ БҮХИЙ УЛС ОРНЫ ЖАГСААЛТ (БҮС НУТГААР)

ЕВРОП

Албани Испани	Итали
Андорра Швед	Казахстан
Армен Швейцар	Киргизстан
Австри Тажикстан	Латви
Азербайжан Турк	Лихтенштейн
Беларус Туркменистан	Литва
Бельги Украин	Люксембург
Босни Герцеговин Узбекистан	Макаогийн Тусгай захиргаатай бүс
Болгар Ватикан хот	Македони
Хорват	Мальта
Кипр	Молдов
Бүгд Найрамдах Чех Улс	Монако
Дани (гадаад дахь эзэмшил болон хараат нутаг дэвсгэрүүдийг оруулна)	Монтенегро
Эстони	Нидерланд (гадаад дахь эзэмшил болон хараат нутаг дэвсгэрүүдийг оруулна)
Финланд	Умард Ирланд
Франц (гадаад дахь эзэмшил болон хараат нутаг дэвсгэрүүдийг оруулна)	Норвеги
Гүрж	Португал (гадаад дахь эзэмшил болон хараат нутаг дэвсгэрүүдийг оруулна)
Герман	Румын
Грек	Сан Марино
Унгар	Серби
Исланд	Словак
Ирланд	Словен

Доор дурдсан Европын улс орнуудын уугуул иргэд энэ жилийн олон үндэстний хөтөлбөрт оролцох эрхгүй: Их Британи, Польш, Орос. Их Британид (Нэгдсэн Вант Улс) дараах хараат нутаг дэвсгэр орно: Ангилья, Бермуд, Британийн Виржинийн арлууд, Кайманы арлууд, Фолклендийн арлууд, Гибралтар, Монтсеррат, Питкэрн, Сэнт Элен, Төкс ба Кэйкос арлууд. Олон үндэстний хөтөлбөрт Умард Ирландыг тусад нь авч үздэг бөгөөд Умард Ирланд энэ хөтөлбөрт оролцох эрхтэй тул дээрхи жагсаалтад оруулав.

УУГУУЛ ИРГЭД НЬ DV-2009 ХӨТӨЛБӨРТ ОРОЛЦОХ ЭРХ БҮХИЙ УЛС ОРНЫ ЖАГСААЛТ (БҮС НУТГААР)

ХОЙД АМЕРИК

Багамын арлууд

Хойд Америкийн тухайд Канад, Мексикийн уугуул иргэд энэ жилийн олон үндэстний хөтөлбөрт оролцох эрхгүй.

НОМХОН ДАЛАЙН ОРНУУД

Австрали (гадаад дахь эзэмшил болон хараат нутаг дэвсгэрүүдийг оруулна)

Фижи

Кирибати

Маршаллын арлууд

Микронезийн Холбооны Улсууд

Науру

Шинэ Зеланд (гадаад дахь эзэмшил болон хараат нутаг дэвсгэрүүдийг оруулна)

Палау

Папуа Шинэ Гвиней

Соломон арлууд

Тонга

Тувалу

Вануату

Самоа

ӨМНӨД АМЕРИК, ТӨВ АМЕРИК, КАРИБЫН ТЭНГИСИЙН УЛС ОРНУУД

Антигуа Барбуда

Аргентин

Барбадос

Белиз

Боливи

Чили

Коста Рика

Куба

Доминик

Эквадор

Гренад

Гватемал

Гайана

Гондурас

Никарагуа

Панам

Парагвай

Сэнт Киттс ба Невис

Сэнт Люси

Сэнт Винсент ба Гренадиний арлууд

Суринам

Тринидад ба Тобаго

Уругвай

Венесуэл

Уугуул иргэд нь энэ жилийн олон үндэстний хөтөлбөрт оролцох эрхгүй улс орнууд:

Бразил, Колумби, Бүгд Найрамдах Доминикан Улс, Эль Сальвадор, Гаити, Ямайка, Мексик, Перу.